

2 Tesaronaika

Pas yimbu Por ai Tesaronaika-hündambo sürü papımarandi

1 ¹ Por, Sairas, Timoti, ro pas nda Kraisindi nendi Tesaronaika-hündi siheimbo sürü paparihundi. Se sihefi Ape God asu Adükari Sisas Krais-yafand-anei. ² Ape God asu Adükari Sisas Krais ai moani hipoambo-mbirineandür-amboane asu se ngusüfoambe afundihi kündihi nimandei.

Por ai Godimbo hihifarüri

³ Wandafi mami, muŋguambo si siheimbohündambo Godimbo hihifindihuri ndihumboyefi. Ra aboed-ane, nimboe sapo sihei anihondümbofo hohoanimo adükari tüküfe arandi asu siheihoari simbori hipoambofiriyeihi hei asu rani hohoanimo afindi tüküfe arandi. ⁴ Ranahambohünda ngorü ngoafi, ngorü ngoafi Kraisindi nendi siheimbo aboed-anei ase. Sihei hürütümbi moaruwaimbo-marihindüra siheimbo tiŋirifo tükümeŋeyo. Iŋga se ranahambo moanane sei hehi Godimbo anihondümbo-rihindühi nginindi aniboadei. Ranahambo ro Kraisindi nendambo siheimbo hoafiyahundüri arihundi.

God ai sihefimbo mbumundi hohoanimo süngu yiboboreandühani

⁵ God ai ahandi mbumundi yibobofe hohoanimo ndahurai nafuiaramuni. Se God nginindi hifandirandi ranahambo ratüpuriyei arihündi ranimboane asu nindou ai siheimbo moaruwaimbo-marihindüri. Asu rananimbo God ai siheimbo ahandi nginindi hifandirandi ranambe niŋgombo ra nafindamüندی-ndürimbui. ⁶ Nindou siheimbo moaruwaimbo-marihindüri ranaheimbo God ai mbumundi hohoanimo süngundeandühi simbori moaruwaimbo-ndearümbui. ⁷ Se tiŋirifo masahümüندی ra God ai moendinde mbunda asu siheimbo ai-babidi aboedi nimarimbohünda fandihherümbui. Adükari Sisas ai hai kameihi ahandi sünambeahindi nendi nginindi-babidimbo sünü hiniŋginde weindahi kuduani rasimboani

God ai fandihemunümbui. ⁸Nindou ai Godimbo fifirifekoate-ayei asu Adükari Sisas Kraisindi aboedi hoafi süngufekoate-ayei ranaheimbo tiñirifo dagadürimbui. ⁹God ai aheimbo simbori moaruwaimbo-ndeirani ai Adükarindi himboamupuimbo-randeimbi nginindi-kimi ngiri nimandei asu ai koadürümbo-koadürümbo moaruwai nimandeimboyei. ¹⁰Adükari Sisas ai kuduani ahandi nendi muñgu ahambo aboed-ani mbisemboyei rasimboani ra tükündifemboe. Asu muñguambo nindou ahambo anihondümbo-ariori ranai ranahambo hepünindahimboyei. Se-amboa randihimboyei anihondü hoafi siheimbo hoafimayefi ra se anihondümbo-marihindi wambo. ¹¹Ranimbo hohoanimoyefühi siheimbohündambo Godimbo didibafiyefühi sefiya, 'Ape God, se aheimbo sihafi hohoanimo süngufembo hoafi-mayafindüri asu se diboadondo-wandürani rasüngumbirihind-amboane. Aheimbo nginindi dabadüran-animbo aboedi hohoanimo ai süngufembo ase rasüngumbirihind-amboane. Asu ai Kraisimbo anihondümbo-rihorühi ahandi ratüpuri muñgu-mbirihind-amboane,' asefi. ¹²Rananimbo se Adükari Sisas Kraisimbo aboed-ani mbisei, ñga ai-amboa siheimbo aboed-anei mbüsümbui. God asu Sisas Kraisiheimbo moai hipoambo-ndineandürühi rambirineandür-amboane.

**Godindi hohoanimo daboadanambore-
randeimbi ai weindahi tükündifimbui**

2 ¹Wandafi mamä, sihefi Adükari Sisas Kraisi asükai kudümbui asu sihefimbo ai-babidi mamambe-ndeamunimbui ranahambo ro siheimbo hoafayefi. ²Nindou ai hoafindühiya, 'Adükarindi si tüküfemboane asu Adükari ai kusümboani,' mbüsüani se ngiri afindi hohoanimondeihi, ngüsüfoambe hepünindahindi. Rani hoafi ra nindou ngorü ai Godindi hoafi hoafiyu-randeimbi nahurai hoafiyumbo-mbeiyu, asu nindou ngorü ai ahandihoari hohoanimoyu haya hoafiyumbo-mbeiyu, asu nindou ngorü ai yahuhaya, 'Por, Sairas, Timoti ai yaru hoafimemo,' yahumbo-mbeiyu? ³Se nindoumbi himboana wandihündürani siheimbo tikai hoafindeimboyei. Awi Adükarindi si ra ngiri moani hoanginde tükündifeyo. ñga boatei nindou afindi Godindi hoafi moaruwaimbo-ndihindühi getündihe-himboyei. Asu moaruwai hohoanimoyumbü ahambo God ai moaruwaimbo-ndearümbui ranai weindahi tükündifiyuani asu süngunambo-animbo Kraisi ai kudümbui. ⁴Moaruwai hohoanimoyumbü ra ai muñguambo moatükuni ranahambo nindou ai hohoanimo-yahündowohü dükarihi god sei-arihündi ranahambo ai hürütündarümbui. Rani-moatükunimbo 'moanane' mbüsühi ahandi fimbo yangiri adükar-ane mbüsümbui. Ai Godindi worambe nimandümbo, 'Ro God-anahi,' mbüsümbui.

⁵Hoafi horombo ro siheimbo sowahi nimboahambeyahi hoafimayahi ra se mitanirihümündi-ai? ⁶Rani-moatükuni ai moaruwai

hohoanimoyumbüdi nafi gürareandi ra se fifirihindi. Ahandi nafi gündeandani ngombo-animbo nini-simboaniyo God ai yirifayu rani-simboan-animbo ai weindahi tükündifimbui. ⁷Awi getürühoembi hohoanimo haponda dibo ratüpuriyo arandi. Iga nindou ai moaruwai hohoanimo-yumbüdi nafi gürareandi ana, God ai ahambo nderümünduani asu ai nafi gifekoate-nduani ra-simboani muŋgu moatükuni ngiri dibo yagodo. ⁸Asu moaruwai hohoanimoyumbü ai weindahi tükündifimbui. Asu Adükari Sisas ai kuduani ai moaruwai hohoanimo-yumbümbö ahandi yafuinambo hifokoandirühi asu ahandi himboamupuimbo-randeimbi ranambo moaruwaimbo-ndirümbui. ⁹Satan ai moaruwai hohoanimo-yumbümbö nginindi dagadombui asu nindou ranai nginindi tükündifi haya nginindi moatükuni asu hepünifeimbi moatükuni tikai ratüpurindümbui. ¹⁰Nindou ai awarihefemboayei ranaheimbo moaruwai hohoanimondühimbo tikai hoafindürümbui. Iga nindou ranai awandihehimboyei nimboe sapo ai anihondü hohoanimo ranahambo ngiri yifirindei asu God ai ngiri aheimbo aboedambondearü. ¹¹Ranimboane asu God ai ahei hohoanimo ngorü-süngundeandani rananimbo ai tikai hoafi ra anihondümbö-ndihimboyei. ¹²Ranimboane asu nindou muŋgu ai anihondü hoafi anihondümböfe-koateyeihi hohoanimo moaruwai ranahambo yifiraye ranaheimbo God ai ahandi yiböbofe-ambe moaruwaimbo-ndearümbui.

God ai siheimbo kamafoareandüri wambo aboedambo-ndearümbui

¹³Wandafi mami, Adükari ai siheimbo ngusüfo pareandüri arandi. God ai weaŋgurühi hondü siheimbo aboedambo-fendürimbo kamafoareandüri. Ranimboane fi siheimbohündambo Godimbo hihifirihuri arihundi. Ai siheimbo Yifiafi Aboedi masagadüri ranimbo-hündamboane asu se Godindi yaŋgir-anei asu se anihondü hoafi anihondümbö-marihindi. Rani-süngumbo-animbo God ai aboedambo-ndearümbui. ¹⁴Ai sihefi Adükari Sisas Kraisindi siheimbo himboamupuimbo-randeimbi sürühoeimbi moatükuni ranambefendürimbo yahumboani. Ro siheimbo hoafi aboedi nda hoafimayefi raninambo God ai siheimbo mborai mehu. ¹⁵Ranimboane asu, wandafi mami, se nginindihümündi niboadei. Godindi hoafi muŋgu siheimbo yafambenambo, pasinambo yamundarihündüri ra se kikihindihümündi. ¹⁶Sihefi Adükari Sisas Krai asu Ape God ai sihefimbo ngusüfo parineamunühi moani ngusüfoambe kikimi-mafoarineamuna sihiri ahambo anihondümbö-rihurühi hifandarihuri. ¹⁷Iga God ai sihei ngusüfo kikimi-boadeandürühi nginindi mbisagadür-amboane ranimboane asu se hohoanimo aboedi süngundihindühi hoafi aboedi hoafindeimboyei.

Yihoefimbo farihefe-munimbohündambo se Godimbo didibafindei

3 ¹Wandafi mami, nda ndeara bidifiranimbo hoaf-ane. Yihoefimbo farihefe-munimbohündambo se Godimbo didibafindei ndühündi.

Rananimbo Godimbo hoafi ra nimehünou ngorü ngoafi, ngorü ngoafi mbihowamboane asu ahandi hoafimbo aboed-ane mbisei-amboane sihei mbustimo ramefeyo nou. ²Yihoefimbo farihefe-munimbohündambo Godimbo didibafindei ndühündi rananimbo asu nindou moaruwai hohoanimoyomorundeimbi ai ngiri yihoefimbo kikihinda-mündimuni. Nimboe sapo afindi nindou moai anihondümbo-rihindi. ³Ŋga Adükari ai hohoanimo hondü aboed-ane yare arandi. Ranimboane asu ai siheimbo ngingindi dagadürühi hibadandürani Satan ai ngiri siheimbo moaruwaimbo-ndearü. ⁴Adükari ai ramareamuna ro fifirihundi nda: Hoafi siheimbo hoafimayefi ra hapo se rasüngurihi arihündi, nga asu süngunambo amboa randihimboyei. ⁵Adükari ai siheimbo aboedi hohoanimo sagadürani ranimboane asu Ape Godindi nindoumbo nğusüfo pefe hohoanimo ra fifirindihindi asu se ahandi nginginindinambo tinjirifo ranahambo moanane mbisei hehi ngingindi nimboeimboyei Krai ramefiyu nou.

Nimorehi nindowenihi muᅅgu ai ratüपुरi-mbeyei-amboane

⁶Wandafi mami, sihefi Adükari Sisas Kraiindi ngingindi süngu ro siheimbo randihindi asefi. Muᅅguambo wandafi ngorü ai ratüपुरikoate-yeihi hohoanimo siheimbo yamundima-rihündüri ra süngufekoate-yeiani se ahei fikimi papühindahimboyei. ⁷Se yihoefi hohoanimo nda süngundihindi. Yihoefi ratüपुरimbo se fifirihindi asu ro se-babidi nimarefimbo moai yiboaruko-yiboarukoyefi. ⁸Sesi se masehimuni ra pemimayefi. Se yihoefimbohünda tinjirifo-ndahimboyei sefi hohu sirihü nimboambo ro ratüपुरimbo tinjirifomayefi. ⁹Sihei-mayo sesi ndahumi-ndemboyefisi, nga asu moai sahumindefi. Ŋga siheimbo aboedi ratüपुरi nafuindefani asu se aboedi hohoanimo ra süngumbihinda sefi hohumboyefi sesi semindikoaate tinjirifomayefi. ¹⁰Ŋga se-babidi nimboefimbo ro sefiya, 'Nindou ratüपुरi-koateyuani ngiri sesi ndemündu,' masefi. ¹¹Ŋga ro himborimayefi ra semayei bodimondi moani ratüपुरikoate nimarei mburühümbo ngoründi ratüपुरi sefe farihefendürimbo hoafiyei arihündi. ¹²Nindou ra aboedi hohoanimo süngufembo sefi hoahu Adükari Sisas Kraiindi süngu hoafiyahundüriya, 'Se siheihoari sesi semindimbo-hündambo moani ratüपुरi yanggiri ratüपुरindei,' asefi. ¹³Wandafi mami, se aboedi hohoanimo süngufembo ra yiboaruko-yiboaruko-ndeimboyei. ¹⁴Hoafi pas ndanambe sürü papimarihündi nda nindou ai rasüngufekoate-ndeiani ranaheimbo se türüboadihi fifirindi-hindürühi ai-babidi wudindeimboyei, nga yowani. Rananimbo asu ai amoanngi-mbeyei-amboane. ¹⁵Ŋga se yandihi hohoanimo-ndeihiya, 'Yihoefi hürütümb-anei,' mbisemboyei, nga yihoefi wandaf-anei mbisei hehimbo aheimbo ahinindahündüri.

Bidifirani hoafi

¹⁶Adükari ai afurife hohoanimo ra nimindih-ani. Muᅅguambo si muᅅguambo moatükuni tükündifeyoani ai siheimbo mbifarihendür-

amboane asu ŋgusüfoambe afundihi kündihi hehi nimandei. Adükari ai muŋguambo se-babidi mbinüŋguwamboane. ¹⁷Ro Por-anahi siheimbo karihasihandüri asahi hoafi ra wandihoari sürü paparihandi ro wandi pas muŋgu sürü papimarihandi nou. ¹⁸Sihefi Adükari Sisas Krai siheimbo muŋguambo hipoambo-mbireandür-amboane.